

Johor catat peningkatan eksport tertinggi Mei

Prestasi eksport bernilai RM128.2 bilion pada Mei, meningkat sebanyak RM8.7 bilion atau 7.3 peratus berbanding bulan sama tahun sebelumnya, demikian menurut Jabatan Perangkaan Malaysia (DOSM).

Ketua Perangkawan Malaysia, Datuk Seri Dr Mohd Uzir Mahidin, berkata peningkatan eksport dipengaruhi oleh eksport yang lebih tinggi di kebanyakan negeri iaitu Johor (RM4.6 bilion), Pulau Pinang (RM2.6 bilion), Selangor (RM1.1 bilion), Perak (RM779.7 juta), Sabah (RM711.9 juta), Pahang (RM549.8 juta), Terengganu (RM533.5 juta), Negeri Sembilan (RM340.9 juta) dan Kedah (RM332.4 juta).

Walau bagaimanapun, nilai eksport menurun di Kuala Lumpur sebanyak RM1.3 bilion, Labuan (RM633.1 juta), Sarawak (RM624.9 juta), Kelantan (RM360.9 juta), Melaka (RM201.1 juta) dan Perlis (RM27.2 juta).

"Pulau Pinang kekal sebagai pengeksport utama dengan sumbangan 29.1 peratus diikuti Johor

(23.3 peratus), Selangor (18.2 peratus), Sarawak (7.0 peratus) dan Kedah (4.4 peratus).


"Beralih kepada prestasi import mengikut negeri, Mohd Uzir memaklumkan import pada Mei meningkat RM14.3 bilion (13.8 peratus) berbanding bulan sama pada 2023," katanya.

Beliau berkata, peningkatan import disebabkan import lebih tinggi di kebanyakan negeri iaitu Johor (RM5 bilion), Pulau Pinang (RM3.1 bilion), Kuala Lumpur (RM2.1 bilion), Kedah (RM1.5

bilion), Melaka (RM1.1 bilion), Selangor (RM1.1 bilion), Negeri Sembilan (RM816.4 juta), Labuan (RM92.1 juta), Pahang (RM89.2 juta), Kelantan (RM39.6 juta),

“Pulau Pinang kekal sebagai pengeksport utama dengan sumbangan 29.1 peratus diikuti Johor (23.3 peratus), Selangor (18.2 peratus), Sarawak (7.0 peratus) dan Kedah (4.4 peratus)”

Mohd Uzir Mahidin,
Ketua Perangkawan Malaysia



Perak (RM34.3 juta) dan Perlis (RM11.4 juta).

Walau bagaimanapun, katanya, nilai import jatuh di Sarawak sebanyak RM659.3 juta, Terengganu (RM157 juta) dan Sabah (RM77.2 juta).

Selangor mendominasi import Malaysia dengan sumbangan 25.4 peratus, diikuti Johor (23.9 peratus), Pulau Pinang (20 peratus), Kuala Lumpur (7.7 peratus) dan Kedah (5.5 peratus).

Secara keseluruhan, Malaysia mencatatkan jumlah perdagangan bernilai RM246.3 bilion pada Mei dengan eksport dan import masing-masing bernilai RM128.2 bilion dan RM118.1 bilion.

